

Buwire á wakita na a puwetaa YUHANNA

Ga use á Yuhanna

¹ Náwa yá puwaktá ba iya wakita na, ya slesawari am dágave á emnde a dāba Yaisu. Yá puwakte ge ekka mukse na a eksak-saa Dadaamiya na, antara egdzara á ŋa na wayanaterwáyá á ba an jirire na. Sey yá wayákurá ba iya palleka, antara emnde na diyardiya jirire ba demme wayarakurwáyá.

² Wayanakurwáyá jipu, adāba jirire á elva á Dadaamiya ŋanna aŋkwa am miya, á njá am miya dem ba ge dekideki.

³ Tara Eddemiya Dadaamiya, antara Egdza-aara Yaisu *Almasiihu, a njarinja antara miya ma emnde na wayamiyaavewáyá an wáyáva jirire, ira má aŋkwa maga jirire á Dadaamiya na. A magaraminaamaga ŋurna, a zaramivaareze, a varamiteva ba itare hairire.

*Magaumimága wáyáva na a mbamisaa *Almasiihu*

⁴ Higantehiga jipu, adāba cenanāncena ganakini tá aŋkwa emnde na dabartedāba jirire am dagave á kure, tá aŋkwa á maga názena a baminaa Eddemiya Dadaamiya am shairiya-aha-aara na.

⁵ Daaci kina wá, yá ŋalakŋále kwa emmaye-aaruwa dzagwale geni mi wayaavewáye ba shagera. Una ŋanna yá aŋkwa puwakta ya

na keni gevka shairiya á Dadaamiya a jaare áŋwaslire ndza cenakuránka, amá ba elva na mi cenán kwaye am fakta-aara na.

⁶ Wáyáva ŋanna wá, amaana: mi fansaare ba ge shairiya á Dadaamiya. Shairiya á Dadaamiya ŋanna keni ba una mi cenán kwaye am fakta-aara na. A ba ŋane: Wayawaavewáye antara emnde umele.

⁷ Ya bakurnaa adaba uwe? Adaba kwakya emnde a kedfa ura áte unŋule a jirire jarsaareje, hyairemhye am duniya bademme. Itare wanyarka defekideki cena samsa Yaisu *Almasiihu á sem duniya, a se gev urimagwe. Ura estuwa, slekedfa emnde áte barama a jirire, daaci ba ŋane una kelaade á Yaisu Almasiihu.

⁸ Adaba una ŋanna, faufa hyema áte ire á kure, geni kedawanaaka námpire á slera á kure, amá kwá de lyevaalya ládá na Dadaamiya a fakur ge kure.

⁹ Ma ware una dfabaaka elva na a kwaramisaa Almasiihu, ŋane a dfabete umele wá, Dadaamiya baaka am ŋane. Amá edda una dfabetedaba elva á Almasiihu ŋanna, ŋane wá, tara Eddemiya Dadaamiya, tá antara Egdza-aara tá anŋkwa antara ŋane.

¹⁰ Adaba una ŋanna, máki samsa ura á sem mba á kure, amá á kwaraterse duksa ge emnde gergere antara náza á Almasiihu wá, liyauka edda-aara á mba á kure, ba use keni gawanka.

¹¹ Adaba ma a liyanaa ware, ma a gan ba use keni, shagerkire á názena á maganá ŋane na, ta buwa am hude-aara antara edda-aara.

Halavuwa á elva-aha

¹² Anƙwa elva-aha-aaruwa ba kwakya yá kátá bakuránba, amá keni wayanka yá puwakurte una-aha ɲanna áte nalmesheri. Arge una ɲanna wá, shagera yá duwa ba iya an ire-aaruwa á dem mba á kure, mí de ndáhá elva-aha ɲanna we-aaruwa una, we á kure keni una, lauktu mí de higetehiga ba kwakya.

¹³ Egdzara á egdza emmeɲa mukse na a ek-sesaa Dadaamiya na, tá anƙwa gakur use-aatare itare keni.

Wandala
The Holy Bible in the Wandala language of
Cameroon
La Bible en wandala

copyright © 1999 Wycliffe Bible Translators, Inc.

Language: Wandala

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
dec75dd5-4784-5059-aa00-668d508a6b0d